

塵不到齋詩稿

塵不到齋詩稿

目錄 起丁亥迄丁巳

雜詩 十首

白團扇 二首

邯鄲少年行

重征西行 七首

雜感 三首

故科布多參贊大臣鍾公哀詞

客感

古意 二首

老女篇

寡婦篇

秋望

雜詩 十五首

懷同游馬蘭湯泉諸子悼故少宰鍾公

昔有



悼內

懷錢金粟上舍

小樓

代妾薄命

擬絕命詩 二首

牕外木芙蓉

飼蠶詞 二首

晨發博羅訓諸吏人道饑

食羅浮香米粥

蓮花詞

聞鶻

孤雲篇

丙辰三月十六日作

如何有所思

雜詩

代白頭吟

攬鏡

鄉思

雜感 二首

吳趨行

幕府

塵不到齋詩稿

陽湖須彌保芥安

雜詩

前去者千古後來者萬年從中一俄頃我忽生其
間人生百年耳半付食與眠衰齡及穉齒又復相
推遷所得壯盛時如物當春天春好旣易過物脆
苦不堅一朝秋風發零落歸自然壯不立功業生
悲死可憐十二萬年中生我何爲焉

人有盈尺璧品重珣琪玕襲以錦百重綴以雙明
珠獻之王公前光氣搖雙矚王公大嗟賞賞賜百
萬餘坐客爭傳觀盛言此玉殊不知坐中客還識
此玉無毋乃王公尊不敢相齟齬咄哉希世寶因
人獲令譽

日月忽云邁歲歲相續來天行自不息古人安在
哉長風捲市聲浩浩波濤開試念其中人豈可萬
億推一方尙如此何況極八垓如何數千年統計

才不才流傳百不一餘者成塵灰感此意惘惘獨
酌傾深盃

盜泉渴不飲跣粟饑不餐歷境恨枯槁卽事求心
安出門朝陽升入門露未乾有楫不敢渡豈畏波
濤寬生事自有命非分何可干

憶我初來日庭樹短於莎倏忽三四年高欲雲霄
摩不知數年後此樹復如何生長固常理或恐尋
斧柯金石壽千紀歷劫終消磨况彼草木身容華
徒倚難榮瘁更衰落一朝委庭阿雖無斧斤患期
至寧能過感此意悽愴撫樹一高歌

三十正中年非少亦非老清晨攬明鏡容質訝枯
槁豈緣疾病侵諒由百慮擾生平所遭逢安得謂
顛倒富貴我本無如分卽爲好何不閒余心聊以
守吾寶

日間所作事夜夢猶依依夢中有所見他日或如
之人生有枯菀吾心無已時未來已逆定惟苦人

不知

夕食不得飽中夜常苦饑丈夫不快意奚免多憂
疑苦饑豈得食憂疑詎逢時戚戚損精神逢時復
何爲

生平事游覽卽境少所忻匪由興易索旣到復懷
新焉知今所懷不爲異日嗔轉展詎有盡慮澹美
惡均所以賢達人視之如浮雲

白日逝鼎鼎年華非舊時未來旣莫料已去將安
思茫茫大化中孰測其端倪乃知開闢後混沌仍
在茲是以賢達人遇合非所期青青陌上草鬱鬱
松樹枝高下雖不同隨分皆培滋

白團扇

白團扇不敢怨秋天但怨秋來便相棄累儂寂寞
又經年

白團扇不敢怨君心君心縱復憐儂甚無奈秋涼
逐漸深

邯鄲少年行

邯鄲少年年二十散盡黃金結死客腰間寶劍三尺長恨血模糊土花碧手提仇頭過酒家一飲百盞日未斜道旁官人不敢問睥睨徐上黃毛騮黃沙皓雪走千里生縛單于獻天子天子開顏重策勳登壇特拜上將軍歸來長揖謝父老揮手逕踏南山雲

重征西行

養兵百十年所用在一朝前年雖赴邊兵革俄以銷仰維盛明世廩食久濫叨捐糜苦無路戰鬪豈憚勞慷慨出營門逆將歌同袍

軍籍無耶名阿弟未成丁公家昔有例不得相從行落日咸陽橋悠悠骨肉情前年送汝去此地還相迎白水但東流汝今復西征人生似流水惟有鳴咽聲

棉衣爲君製單衣爲君縫以妾親手跡從君征西

戎西戎在何許遠望不可通但聞崑崙山峨峨在
其東婦人豈知兵願與妾織同織素五丈餘一日
觀成功

與君作鄰里同托承平時雞犬亦蕭閒報國愁無
期今君有行役奮身乃其宜西戎實豺狼招徠非
所施創痛苟不深屢蹶恐未疲崑崙雖西極咫尺
隸有司事勢異今古慎勿言羈縻

丈夫誓許國安用首舊邱蔓草凍碧血黃沙吹骷
髏纍纍北仰山美惡豈不侔王師况無戰此事
何足憂含笑別父老吾行無夷猶

塵沙何茫茫白日無精光出關一極目神氣先飛
揚始知天地間信有古戰場男兒不到此安得稱
雄強中道逢歸人附書與耶孃耶孃勿相憶憶兒
傷中腸殺賊不及盡兒不歸故鄉

朝行酒泉郡莫宿安西州城郭宛然好惟有楊柳
秋依依村落間炊煙起浮浮我來隔三載益見人

煙稠乃知休養功浸漬西海頭

雜感

憂端從中來天地忽以小登高望四野浮雲漫浩
浩大雅竟誰存美人跡如掃坐使泥塗中辱此徑
尺寶不有千秋心誰其解懷抱

牛馬負百里釋策輕其轅農夫荷鋤歸慰藉生微
歡嗟我不如人遭會多艱難敝裘豈耀體聊勝衣
裳單狼藉泥塗中蹂躪荆棘端敝裘非金石金石
亦不完願得長憐恤爲爾當風寒

六

入愁出亦愁冥思與世絕欲遊天地外恐復有人
迹仙人王子喬貽我不死術松柏自千齡垂輝在
奇節豈有構厦姿終與匠石失不如斟美酒沉飲
送日月

故科布多參贊大臣鍾公哀詞

公諱昌字仰山氏拜都滿

洲正白旗人早歲詞林歷官少宰內典

東陵膳房不戒

禁旅出鎮馬蘭以於火左降尋起參贊
歿任所年四十有八

少宰古邦彥骨挺神氣清廉鍰起秋霜內曜含和
平早歲入翰苑厯官晉貳卿時惟歲丁亥拜公於
神京公初少司寇論獄允且明重辟維綱常輕典
哀愚氓以茲受

主知屢作使者星西出井陘道南登閩海程由梁
達黔滇往返質厥成庶獄多平反無枉亦無輕爰
遷金吾衛廷對何觥觥積廢事已久臣慙恐不勝
頓首再三讓成命不可更下車五十日令甲大舉

行吏民以爲便豪暴咸潛形

帝曰來咨汝汝惟余股肱

三后弓劍地往典宿衛兵公知兵苦饑市糴價踊
騰立倉廣積儲兵食歲有贏邊人未知學學者無
師承公爲設講院孺穉皆橫經

帝嘉公之功天促公之齡融風忽不戒自劾解朝

纓

聖明復起用遠躡單于庭公內自刻責外受風霜

陵鳴虜天不弔奪此邦國楨緬維承平世萬物藏
鋒稜大臣務持重謹守墨與繩公感知遇恩蹇蹇
懷忠誠生平所到處百廢爲之興非

帝不用公非人忌公能生不當其時雖美猶弗榮
鳴虜如公者尙有後世名

客感

持黍炊作飯斷布縫作衣能令寒者暖能使人不
饑顧我在天地何乃不如茲因之自刻勵齒長心
願違旣無田園樂遂作孤蓬飛飛何所如吞聲
惟自知

古意

挾瑟上高堂但彈勿須停不恤彈者苦爲愛主人
聽剉蘖染黃絲但剉無所惜不恤蘖心苦願絲好
顏色

擊竹復彈絲與君侑清觴刺繡織流黃與君充下
裳說君不離口愛君攬君手君爲連理枝妾作同

心蕩妾貌不如花君情日易斜空波盪兩漿去去
定誰家二月春風來八月秋風去門外野烏啼燕
子來時路君來妾心喜君去妾心悲悲從君去後
夜夜道君來

老女篇

盛衰各有時花落不上枝十三解歌舞十四能彈
絲十五理雲鬢十六畫長眉十七出見客婉妙世
所稀行者下擔觀坐客失其儀白馬黃金羈誰家

九

游俠兒貽我雙明珠繫我繡羅衣謂便相迎取忽
忽負前期昨夜鄰家女嫁得侍中郎歸來見父母
熠熠何煌煌香車覆錦障四角流蘇光上襦金孔
雀下裙青鴛鴦盈盈拜父母父母相扶將弟兄各
歡樂旁人盛稱揚容華轉妙麗門戶頓吉昌賤妾
獨何爲三十守空房

寡婦篇

寡婦不易爲請爲寡婦詞上當養公姥下有黃口

兒小姑十五六遣嫁已及期奩中無斗粟桁上無
縣衣小姑衣須縫公姥飯莫遲小兒乞母抱又復
覓乳啼十指不得閒織布當上機阿姊富家婦久
久絕問遣阿兄爲里胥反來逼迫之欲存無一可
欲死百不宜此時爲寡婦泣盡淚更揮寡婦不易
爲作歌爲告哀

秋望

穹霄迴清曠塊莽白日馭目極蒼蒼顛恍惚若有
路長風吹衣袂飄然欲冲舉不見雙黃鵠冥冥入
青霧胡爲罥羅網感感懷百慮

雜詩

琢飾非至器錯鏤人工爲大美出道腴藻采安所
施聖人贊周易純白無文辭元文稱繼作有意爲
瑰奇於瘁八代衰起之惟昌黎

各抱荆山玉各握靈蛇珠古人旣已往我讀古人
書古書豈不多傳者幾人歟平生事筆札殫精竭

念慮欲以徑寸心壽此七尺軀豈知後世人棄之
如泥塗化成塵與灰身名與之俱此中有天幸掩
卷爲嗟吁

榮名不苟得役役徒勞形一身修云亾令譽虛見
稱目旣不及見耳亦不解聽有名與無名同歸於
冥冥所以逍遙遊著之南華經

皎皎青銅鏡文彩雙盤龍鑑彼百物形素月懸秋
空弦望尙有時屢照乃不窮豈惟質粹美濯磨在
良工泉淵自澄凝淪漪生微風成此方與員彰彼
珠玉功自非古先哲在治理則同

十一

龍門百尺桐斲之以爲琴朱絃轉玉軫金徽播元
音一彈來和風再彈感翔禽牙曠不可遇寂寞遂
至今不若箏琵琶能悅俗人心彈以邯鄲倡間以
巴渝吟嘈嘈與切切一曲千黃金

許由辭天下沮溺甘耦耕焉知高蹈軌不以激而
成盛年不見用臨老何必榮鄭有燭之武不肯卻

秦兵

介推從亡功曾無分寸賞富貴忘貧交意氣不可
仗亦有女蘿枝施彼松栢上朱門一朝改寒裳絕
來往鶴益昔成陰今時設雀網

侵晨采桑葉日中猶未已將葉歸飼蠶中夜四五
起手眠不得歇髮蓬不及理養繭纒作絲婦姑相
顧喜軋軋弄機杼霜雪凍十指十指凍欲落織成
羅與綺羅綺將何施日以貢筐篚上供山龍服下
爲青緋紫豈知羅與綺賤於麻與枲麻枲物雖賤
服者乃無幾羅綺何紛紛照耀輿臺體

朔風無異響雞犬皆寒聲憫彼擊柝人慨然懷此
生蝸廬蔽風雪敝裘有餘輕喟叱尙申旦此輩何
爲情吁嗟擊柝人微精勞爾形間閭以安枕行旅
恃不驚誰當濟时才沒沒竟何營

委身作奴隸驅使合由主食甘未可飽食苦安得
吐如何牧牛羊有若事農圃耕種求膏腴唾棄在

斥鹵志果在温飽飲啄亦有數不如奉心肝於爾
庶有補

嘉木不可拔拔木傷木根木根傷猶可念彼種木
人既無苟全理徒植手自親較量地寬窄周視遠
墻垣地寬枝條鬯空闊雨露蕃封錘事以畢生理
深所安陶然良自得恩怨兩不論

凌晨秣我馬整轡指幽燕渡水無舟梁陟巘復萬
盤蹇脩何遲遲長路何漫漫願爲天上雲逝隨羲
和鞭承此流景曜化作煙非煙九衢交綺塵駟馬
從高軒云是朝貴人於中多少年我獨滯路隅浩
歌心茫然

不知憂起處忽忽心內傷欲行還復坐既坐起傍
徨千里遠行游年年離故鄉悠悠身世事一葦浮
汪洋朱顏坐遷改白日馳堂堂時會有通塞吾生
云何臧

日月旦復旦庶事惟康哉羣公皆稷契庶司亦龍

夔儒冠躬盛世不得參陪臺百車皆棟梁拱構誠
凡材欲迴匠石顧斤斧寧當施已分山澤游麋鹿
相與期臨流悵徘徊悠然懷晨曦柔條媚春榮喬
柯揚寒姿豈伊慕微眷物性固莫移最哉蕙蘭芳
采采以埃時

羲暉自西邁浮雲向東馳汲汲各不待志士心爲
悲浮雲去無迹變滅誰能知羲暉入復出晝夜成
四時四時復四時客子鬢成絲

十四

懷同游馬蘭湯泉諸子悼故少宰鍾公

同游者山

陽潘德輿四農皖江陳在范堯鑪同里吳
企寬旭峯長白麟盛松山兩公子宗貽子

翼宗佑
子啓

並馬出巖關行行陟山麓招提絕人境竹樹蒼然
綠池荷戴敗葉砌花垂野菊入門參諸天突兀氣
噴撲方泉甃白石下有陰火伏愁絕珍珠翻欲濯
不敢觸山僧啓別室引水出石腹試之温温然乘
興快一浴我聞崆峒山茲焉實相屬鼎湖騎龍去

道氣入坤軸凝爲千年砂溢爲泉百斛益壽愈疵
癘徧爲黔首福元戎敬愛客走榼餉醞醪曲池危
亭下列坐藉芳褥褥底卽奔流流急觴政促出壺
方冰齒入口煮已熟盞竿紛流星暄笑更相逐瓶
罄罍亦空譁然叫未足前朝戎馬地戚侯建高纛
石幢今猶存刻畫誌疏鑿想見賓從賢同心濟帷
幄餘事此觴詠差足勝蹋鞠遙遙三百載茲游尙
可續時維歲辛卯同游人五六翩翩幕府英皎皎
庭前玉如何一轉眼人事竟反覆賓客盡星散主
人感華屋生存會面難逝者草已宿思之如夢寐
使我淚盈掬

昔有

昔有饑婦人抱兒坐道旁百呼不一應形色何慘
傷我車適過之惻然開我囊持錢欲擲與已距十
丈強小兒顧母啼兒啼復相望似悲過客忍不得
充饑腸此事三四年每念心皇皇焉知溝中瘠不

因我輩殤欲與竟須與事後徒傍徨

昔行

昔行薊州道菽麻滿山疇曦光泣朝露華葉何脩
脩耕夫荷鋤立脩然物外游我畏觸熱行停轡爲
少留美人忽已去天路不可求昔爲高枝鳥今爲
沒水鷗他鄉見物華使我心悠悠

憶舊

吳生老諸生偃僂見古拙被酒好吟哦篆刻更精

去

絕蛟螭盤倔強繼鑿走寸鐵光怪留貞珉藏之弗

敢失

吳一諤毅安曾爲先
君子刻研守堂印譜

西河秋菊英道氣有無表洒落塵網牽婚嫁或不
曉靜觀得物理點筆自微妙一邱與一壑悠然見

冲抱

陳達
西河

馮君靜而深耻爲刀筆吏棄去事行游乃爲造物
忌放筆畫竹竿瀟灑得竹意絹素雖久留一生亦

顛顛

馮立安
笠菴

西林談天家推步極精奧仰視若有得微笑不肯
道令弟治岐黃讀易敦古好著書各不成望廬增

惋悼

毛奕昌西林
景昌介侯

硯

田田青蓮葉何年化爲石中心平似掌凹處留古
墨不知幾易主乃爲吾所得前人得此石豈不甚
愛惜秋風一朝至高閣散賓客飄如陌上花轉展
未有極與我忽相遇中道暫一息吾生會有盡去
我又他適物我互逆旅聊與共愁寂

七

鏡

我貌不自見神氣覺不親况爲饑所驅頻年走踈
踈深恐面目改竟作塵中人團團青銅鏡皎皎明
月輪照我今時顏憶我舊時神如彼遠行客去去
歲月陳翻然得來歸吾復返吾真高材希絕俗庸
夫慕塵昏吾生兩不就聊用得此身

帶

千絲復萬縷織成丈二組色謝緋紫華製稱衣冠
古吾儕在天地凡事偏規矩常苦受束縛身若坐
囹圄天寒百體警一帶勝泉紵乃知放形骸賢哲
故不取

寄友

生齒日繁多無役力已瘁愚民棄禮誼儼出教化
外近來循良首往往熟計會官事自有程吾徒安
可怪所望儒術醇培養起凋瘵毋言一邑小民命

以萬計

酷烈非儒術姑息亦養奸一豪得恣睢羣惡相鉤
連舍棄其職業爲害於市闈甚則刑白馬細或探
黑丸長吏不及知丞尉無其權自非賢令尹誅鋤
無留難法令安得伸民氣安得完疾雷奮一擊四
境皆肅然

雜感

心疲道路難力畏天地窄丈夫四方志所覓止一

食一食復幾許欲飽且不得仰首向路人俯身就
皂櫪天其老我材故使厯險阨譬如將飛羽先必
頓六翮抑或噬其愚棄置不甚惜冥冥未可知誰
爲正龜策

古稱上農夫其力食九人讀書三十年不及一耕
民黃炎在我眼 帝治且日新巨網張八埏羣材
萃溱溱我獨何所爲遏抑不得伸

貧賤將何憂温飽豈我懷嗟我慈母身鬢髮忽以
絲生兒得成名窮老亦復怡翕然起令聞舊德揚
光輝一饘與一粥粗糲皆甘肥

我生江湖會與物會無虞身賤不足毀道枉不足
譽家有十畝田獲守先人廬上以養老母下以聚
妻孥謝絕門外事時復讀我書陶然亦足樂公侯
良不如

海內數知已徂謝已過半落落諸鉅公未足云斷
斷我齒正壯強我憂無畔岸周鼎日剝棄康瓠目

益眩悲哉志士懷匪席寧當卷

世情貴巧得剖析精毫釐我意殊不然圖大畧細
微以茲久瓠落疎濶誠非宜卷此百尺條就彼逕
寸枝鍼未不得容而以斤斧施生材必有用我拙
誰爲之昔有杜陵老稷尙相與期居然無所合臨
老常自嗤

人心不在面在面且不識相逢衢路間知爲何方
客與我同衾稠未必情相投何況隔山岳人事渺
悠悠長嘯以自舒喟然摧林邱驅馬欲安適神契
不可求

三

古人高不事寂寞謝簪組後來名利子齷齪類商
賈踰垣段干隘壟斷叔疑苦中和誰可經高山仰
東魯豈有濟世資大義在君父孤條闕窮谷秋至
恐先腐私心抱區區屢刖竟何補終期皇天慈微
悃尙一取

江南昔游饑我正客馬蘭馬蘭一夜雪白盡千萬
山晨起登山巔顧謂少宰言安得如許米一救江
南艱比年屢豐稔石米錢二千流離獲蘇息井里
多炊煙南人好奢佚十戶九不田被服羅與紈常
食烹肥鮮雖邀皇天慈卮漏恐莫填旱澇歲代有
荒政無萬全安得良有司塞流清其源勤儉督里
閭一洗薄俗猥不使千里外轉輾徒殷然

擬古

十三工織素十五能彈絲修袿靡蘭風妙舞揚華
姿纖阿無停馭弦望倏已移願枉君子惠執手兩
不疑妾懷傾筐感君抱河洲思相望不相見良會
空復期富兒常苦肥瘦兒常苦饑人生不在命海
堙嶽亦夷亮無雙飛翼賤妾當何悲

客長甯

諸山何崢嶸草木正敷縟炎方變節候閉蟄乃不
足羣穢席坤氣攸鬱出瘴毒四荒一車書茲邦詎

非樂冠蓋馳皇都邱樊老故國乾坤自寥濶胡爲
墮窮谷性命爭蛇虺出入慎犖角勞生歷世阱自
立苦不卓

爲萬蓬山學博和其先人蓮花峯十四詠

存十

首

石雞不飛鳴吐作五色雲瀰漫遍山谷七寶裝妙
鬘有時降霖雨滲漉通化源以茲表靈異允爲眾

壑尊

雞石采雲

我聞毘尸佛迺爲象教祖割肉飼眾生用意良獨

苦度徧四部州虛空結淨土雲氣承跣跡日月盪

牖戶

毘師尊閣

香壇出山半梵唄聞諸天旃檀雜雲氣法象開青

蓮塵世一俯視蠅蠕皆可憐所以善知識誓乘大

願船

大悲香壇

潭水不須清潭底不須深泥蟠一尺地無數蒼生
心下有南山石上有樛樹陰君看走牲幣祠禱猶

在今 龍潭祈雨

寶幢本非幢接引亦非佛思議所到處如入耆闍
崛徑欲尋覺路世法不可出願以青松姿厯盡冬

冰雪 幢峯接引

沿山厯小境豁然得茲亭雲水相與永松月含餘

清幽人定何處逆旅呼山靈小坐不可久昂首長

空青 四時亭望

躡屐覓山徑陟絕蓮峯西入山與出山一線爭危

隄出山一步路處處皆塵蹤寄言山中人獨復幸

無迷 一線塘塍

不材良自全偃曲非素姿亭亭青松樹倘有干霄

時俯身抱幽石渺邈若有思其下產茯苓其上纏

菟絲 盤松偃翠

陰崖摩圓穹翠嶽一千尺似穿南溟底首冠普陀

石睥眈坤維盡咄咄巨靈擘峻極誰附緣石罅藤

蘿碧 蘿壁懸青

佛說無盡燈乃在茲山首倏隱復倏現如益或如
斗誰於光明界不從黑闇走願以智慧光永照千

秋後 佛燈隱現

爲萬蓬山題其尊人觀亭大令春暉圖

生年無修短爲子日常少自從出母腹呱呱在襁
褓稍長能勝衣曹然無所曉就傅識之無繞牀覓
梨棗比年十五六心地漸了了頗思罔極恩欲報
無其道忽忽復數年人事日紛攪讀書求科名饑

五

驅覓梁稻父母見面難温清事逾渺稻梁時有無
科名或遲早今年復明年父母忽以老我思圖中
人怒焉心如擣圖中所歷處我半留鴻爪日夕宿
鄒魯雞鳴走燕趙騎驢渡滹沱策馬出塞表公猶
膺鄉薦治縣獲上考板輿遂迎養桑榆收非小哀
我何所爲覲遭獨不造吞聲辭庭闈長路漫浩浩
七上說不行十載歸期杳湯藥弗躬親反哺慚烏
鳥遂使鞠育身孝養闕如掃不堪清夜想搏地呼

蒼昊人生有缺失補救卽爲好惟此三春暉一失
空悲懊寄言世之人茲圖以爲寶

辛亥十月感賦

道光三十載

皇帝嗣寶厯蠲賦赦死罪賜爵廣士額大賚逮鯨
寡至仁及齒骼薄海胥歸懷兆民咸悅懌瑞應交
天人貢琛集鞮譯兩粵古雍揚山川皆禹跡奸宄
敢嘯聚蠡蟻起草澤黑山旣稱戈白馬亦橫戟村
墟遭焚畧城邑被蹂躪官長恣戕害名號肆僞逆
節使開軍門大帥連壘壁

皇心厯宵旰

聖武怒斯赫內帑出廣儲勁旅調荆益視師勅元
臣宿將選嘍哨軍鋒拉枯朽捷書馳絡繹忠勤豈
不盡籌畫亦已極滋蔓愈難圖燎原殊未熄儒生
限功令有言敢建白竊效一得愚芻蕘冀採擇緬
維古神武不敘垂義易渠魁必殲除脅從宥勿殛

舊染與惟新斯亦在書冊逃叛不自首被擄往從
賊乘間能來歸法律得減釋煌煌

國憲典高深詎能測匪惟良與莠於國皆蒼赤匪
惟務仁慈仰體好生德此輩梟獍徒盟插起無藉
豈真圖僭據無過求衣食何知有義理亦復無智
策急之則獸聚固結出死力寬之則鳥散各自延
殘息何況賊黨與多半被脅逼骨肉罹殺戮家室
爲蕩析鞭迫其軀命挾刃執賤役一朝官捕拏伏

三

鑽嬰髡剔於法或難原於情實可惻願開曠蕩恩
生機予一隙逃者縱弗捕獲者寬弗辟使知果悔
悟仍得還鄉籍何苦從逆黨性命懸鋒鏑賊心旣
崩離賊勢自解拆我戰誰能禦我攻何弗克儒生
豈知兵解散似爲亟其次察形勢分兵畫疆域守
禦用主兵搏戰責之客紀律弗嚴明步伐弗整飭
受賊不力禦見賊不奮擊軍法有常刑主將任其
責文吏主安撫拊循乃其職流亾各得所降人無

反側其次團鄉兵或千或數百桴鼓聲相聞鈴柝
勢勿隔田畝無棲糧倉窳有餘積其次撫獠獍土
司亦傳檄各礪乃戈矛各守乃疆場殺賊有懋賞
縱賊受重謫凡賊可到處一一樹之敵搯吭拊其
背晉角戎與踣賊退無所依賊進無所獲何能久
支厲掃蕩庶頃刻儒生豈知兵撫衷竊感激終軍
請長纓賈誼承前席先哲非所期傾吐鬱肝膈

聖明方御宇羣公皆皋稷草竊敢披猖游魂久騷
驛蒼梧一葦杭高涼在咫尺軍書數徵調烽煙傳
日夕心憂度支匱目擊蒸黎溺憤懣爲此詞聊以
備採摭

甲寅順德陷賊作

天道有窮剝人力不可回孰云炳先幾而能免後
災若火防其炎燎原卒成灰若川虞蕩潏隄防卒
以隳伏戎出墻垣羣飛起蒿萊妖鳥譁譁鳴鐵牡
堂堂開陵谷一時異此理誰能推

兵機貴神速事事失之需爲虺弗亟摧爲蛇已難
圖村落被燒燔妻子遭割屠吞聲弗敢顧奮勇爭
前驅轉鬪數晝夜援兵無一夫力盡繼以泣散逃
免爲俘是時提一旅疾雷出不虞鄉民氣自倍賊
膽寒且孤殲此梟獍徒易於拉朽枯悠悠不出此
頓足爲嗟吁

不擊待外援縱賊使之橫畫地守孤城示弱失先
聲樓櫓况不完軍仗弗充盈莫教狂蒲騷趙括易
言兵禍敗不由人何以謝邦氓

元

魯柝近聞邾朝發夕可至七日哭秦庭九頓事不
遂定亂討亂民何忌復何畏千人卷甲趨足以靖
氛沴雷池不肯出坐視孤城沸言歌旄邱葛伯兮
益有爲愚民何所知流離生怨懟

我自來茲邦違疾久弗瘳自冬旣入春自夏復徂
秋哀我結髮妻懽好無猜尤久別暫得親一病命
忽道遙遙五千里來此益有由似緣生平愛歸骨

與我收兒女日夜啼孤幃埋荒邱痛逝行自念淚
落連珠流奈何心傷盡殃禍猶未休

閏秋斗指酉庚寅日過午養疴卧林園習靜絕儔
侶露刃忽充庭洵洵勢如虎舁我出門去舍我城
南宇舉室皆驚惶我弟淚如雨男兒仗忠信患難
安足數愧非朝廷官生死兩無補寄言家中人相
念毋太苦

我祖昔有訓讀書毋讀律小子曷敢違艱難爲家
室邠生旣入幕陸賈遂游粵忽忽十餘年儒素弗
敢失囊無鬻獄金志在窮黎活殃咎苟由天厚薄
當有別天道倘難憑何言臨與質蒼蒼不可叩吾
守固窮節

久陷賊中賦此

衝風振林薄亂葉縱橫飛干戈起一邑萬戶皆流
離我輩羈棲人困頓固其宜所愧腹背毛不與六
翮齊骨肉不充俎皮毛非貨財

廣武策不用仍爲泝上禽生得雖不殺身敗名亦
沉乃知良平輩智計非獨深發言人能領福命固
不凡遙遙望古人慨慕有餘心

我聞孟嘗客攸關出田文又聞邯鄲卒走壁歸武
臣此輩何足道當時能解紛茲邦多冠裳倒戟何
無人吾道或有非龍蛇且存身

悼內

髻歲嫵盟締笄齡大義結朝霞喻明麗春華方艷

三

逸蠲黛點遙山卻粉妨素質惟知同懽愉焉識當
離別去去京華道悠悠寒暑閱銀漢隔紅墻神山
限溟渤思婦六年悲歸人一慟絕復泛黃河槎載
訪白門月改棹西浮頓乘流南入粵客程遠更遠
閨情日復日間關兒女俱浩蕩江河越相見淚珠
潏執手歡襟溢烏鵲重雙棲鴛鴦還舊匹謂可百
年聚豈期千載訣奄奄斷春絲冥冥闕幽室修蛾
不可見驚鴻徒髣髴瘴海足波濤荒徼多騷屑清

夜漏沉沉空房寒瑟瑟思君心何限撫己悲非一
無奈別離多已矣芳華歇願結再生歡團樂永不
缺

懷錢金粟上舍

君我舅氏孫於我爲母黨襁褓相親愛懽好固無
兩哀君早孤露稚歲溯漢廣小同實元撫令伯惟
劉養寃霜邁家難麻衣動歸榜管甯席共華求仲
徑開蔣跌宕黃公壚旖旎秦淮漿燕臺一爲別玉
樹埋黃壤悠悠三十載夢境悲疇曩盟言猶在耳
音容宛可想懽愉旣莫同患難更誰仗思君不得
見夜夜空恟恹

小樓

荒阜帶林莽小樓傍山椒縱橫列几榻雜沓安鑪
鉞爨煙起昏霧人聲翻洪潮魑魅互隱顯鼯鼯恣
叫囂同人坐愁歎僮僕動逋逃一從嬰羈縶秋去
易春韶風煙久南北于戈復暮朝江關豈樂土海

宇更危巢長卿家壁立向平願尙遙何時見馬角
萬慮空牛毛居易聖所尙履坦幽人操願言矢志
曲不爲險難搖

代妾薄命

裊裊女蘿枝亭亭青松樹謂結百年歡不道中乖
忤君情陌上塵妾命風前絮相逢初道好人門便
見妬白璧一爲瑕黃金不買顧翩翩辭故巢栖栖
渺前路本是邯鄲人復爲廝養悞展妾翡翠衾拂
妾玳瑁牀着妾紅羅襦繫妾繡羅裳開奩畫眉黛
對鏡帖花黃春華良已矣秋晚儻能芳

擬絕命詞

乙卯二月二十六
夜聞賊將加刃作

屯蹇詎由命殃咎實自招仰違先人訓妄筮於門
爻擇術瞽函矢觀變昧長消鬼神示以警凶病疊
所遭猶豫闕佩玦牽滯同繫匏於情旣迷惘在理
宜爛焦篤士啓手足達人齊彭夭兩俱非所企授
命庶不撓

首邱稱爲仁嬴博亦爲古一身不能保敢見母與
父單衣裹蘆葦埋我於此土伯鸞傍要離德曜在
何許今我有同穴夜室良不苦爲告此邦人無多
求於汝資我弱弟歸兼歸我兒女俾爾無疵癘令
爾宜禾黍

牕外木芙蓉

拒霜依甘蕉旖旎發華滋美人綠雲裏金翠粉蕖
粲明粧炫清秋酡顏弄朝曦忽若掄長袂又如舉
翫帷婀娜綺牕前恍惚睹所思植根同所託菀枯
不相離奈何雙棲鳥拆翼中分飛感物懷曩疇淚
下垂纒靡

飼蠶詞

飼蠶採桑葉採多桑欲枯今年桑葉少問蠶知也
無

飼蠶買桑葉鬻釵復典衣今年桑葉貴願蠶早作
絲

晨發博羅訓諸吏人道餞

辨色理行裝登艫及初旭遙岑靄煙翠草樹泣寒
綠半載事帷幄心跡多所局慚愧勞盛餞金尊照
華燭兵氛甫以靜瘡痍尙滿目心仁萬物濟政和
元氣復善事賢令尹同爲閭里福迴舟得相過遲
睹絃歌俗

食羅浮香米粥

羅浮本僊山何年成佛地遂使羅浮米亦帶旃檀
氣清夜煮一甌宛有香厨味我亦托鉢人未得游
方外三千大千界饑者寧可計安得茲甌粥普供
十方食念彼蒙袂人愀然發悲涕

蓮花詞

蓮花與蓮葉同根復同節在濁同泥滓出水同皎
潔宛轉兩心通芬芳氣味一何知有乖迕又復無
離別盛時同華苑秋至同衰歇不見青陵臺化爲
雙蛺蝶郎若化蓮花妾化蓮花葉

聞鵑

鵑啼何所爲悲苦迫中腸毋乃傷往事兼之思故鄉故鄉良不近往事信難忘八駿馳穆滿五石煉媧皇仙童奉靈藥海國獻神香應知蜀天子無復發悲吭爾啼人尙聽聽者爲傍徨更有銜碑闕中心闇自傷

孤雲篇

孤雲遠逾孤蕩蕩莫與偕飄飄去天末一去一徘徊迴望所來徑昏霧蒙翳之言念同心侶中道見棄遺不若原上草植根無改移不若林間鳥振翼必雙飛去去勿復道誰云作客好

丙辰三月十六日作

去歲出賊中避賊復伏匿伏匿一空宅塞竇室門隙跬步不敢動屏氣不敢息中心時戰戰恐復被踪跡煎惶及旬日四體熱如炙微生未應絕皇天布恩澤晨早聞礮聲官軍來擊賊賊眾成奔逃賊

氛條蕩滌家人走相告驚定淚橫溢經年逢此日
思之動心魄

如何有所思

如何有所思永無會面期匪惟無會期信息亦難
知返魂安可得金輪空復持浩浩天之涯渺渺水
之湄風裳與月珮靈兮尙來歸寂寂步閒庭肅肅
顧空幃思念平生歡想像舊容儀東海可揚塵南
山可以移蒼天柱可折地可斷鼇維恩愛不可忘
一心長依依

雜詩

皋稷謨姚廷蒼姬咨虢虞人材世遞降元會共盈
虛生材濟艱難足用何必餘遙遙數千載古有今
豈無我欲觀其人惜哉無舟輿登高一眺望心神
馳八區

代白頭吟

合意同歡娛失意各東西作女何用悲一身在男

兒不怨新人妹怨己顏色衰不恨今恩斷恨昔心意違獨自出門去淚落沾裳衣莫言膠漆固膠漆有時分莫信金石堅金石易成塵行雲無返期花老豈再鮮君子不念昔賤妾復何言

攬鏡

晨起攬明鏡吾衰竟如斯迴念壯齒日想像數年時豈惟鬚髮變自覺神氣非蒲柳望秋零憔悴固其宜一溉或後枯私心良所希驚至形魄越痛至肝脾摧中心傷已盡花葉寧復滋君子不思憂天下何慮思嚮往雖不至身寶庶自持

鄉思

離家二十載渺與故鄉隔親友漸無人幼稚多不識所念廬墓在先靈此焉宅環堵宮半畝馬鬣封三尺松楸倘莫保垣墻從頓擗事勢固無奈抱痛安有極望鄉鄉不見中心時惻惻

雜感

剖玉爲珪璋鑄金爲鼎彝遭遇非不隆何似在山
時男兒各有志所悲非布衣俛視長河流仰觀白
日馳須才世方亟奈何玄鬢絲

絲竹滿堂上眾賓樂未休中有危坐人獨抱一世
憂身賤論亦卑孰問是與不當時不識察過後誰
復留哀哉二十年其言竟以讎

吳趨行

色絲織錦文素絲織吳綾今日不上機明日還復
停三歲織五尺五歲不盈匹色絲顏色壞素絲中
斷絕欲取換新絲新絲亂不治將絲裂下機拉雜
摧燒之我欲竟此曲此曲悲且長主人千萬壽長
樂未渠央

幕府

幕府肅清嚴軒囊翼虛做暝煙籠竹樹寒月照幽
幌文奏旣無多賓儔罕來往獨坐何所爲援琴發
清響琴本孤桐製絲惟寡女紡物性固莫移感激

孰能強乃知雍門泣不異鍾期賞一彈再三歎余
懷信非廣

